

本书出版得到国家古籍整理出版专项经费资助

清代吏治史料

綏蒙書局

吏制改革史料

五

清代吏治史料

綫裝書局

資料
研究
PDG

吏部等部經筵講官少保燕太子太保保和殿大學士兼官吏部戶部尚書事加四級臣張廷玉等謹

題為熱河地局邊陲遊民聚處日衆等事議臣等會得署理直隸總督印務唐執玉疏稱熱河地方戶口殷繁請添設通判一員與理事同知分管東河西河案件以專責成其通判關防字樣鑄給口外理事通判關防至通判同知有東河西河之分各有差委巡緝之事則巡檢一員難以兼顧請於添設巡檢一員之外熱河再設巡檢一員兼管獄事其巡檢屬通判官轄者鑄給東河巡檢司印屬同知官轄者鑄給西河巡檢司印其通判巡檢應屬霸昌道管轄等語查雍正七年十月內臣部議覆署理古北口提督印務都統經國條奏熱河地方准其添設通判一員巡檢一員其巡檢應聽同知通判差委巡緝所有通判巡檢書吏夫役照例召募至通判應聽何府道管轄令該署督詳悉妥議具題到日再議其衙署作何蓋造關防印信應何字樣及俸工役食查明具題等因奉

旨依議欽遵在案今該署督既稱通判同知有東河西河之分其添設通判關防應照同

知關防字樣鑄給應如所請移咨禮部鑄給口外理事通判關防至所稱通判同知
 各有差委巡緝之事巡檢一員難以兼顧請於熱河地方再設巡檢一員亦應如所
 請熱河地方准其再添設巡檢一員兼管獄事其添設巡檢之印信屬通判管轄者
 准其鑄給東河巡檢司印屬同知管轄者准其鑄給西河巡檢司印其通判巡檢俱
 准其歸於霸昌道管轄又疏稱通判額設俸銀六十兩應設書吏六名例不支
 給工食外門子二名皂隸十二名步快八名轎傘扇夫七名共該工食銀一百七十
 四兩遇閏之年每名加銀五錢共應加閏月銀一十四兩五錢東河西河巡檢二員
 共額設俸銀六十三兩四分應設攢典二名例不支給工食外門子二名皂隸四名
 弓兵二十名共該工食銀一百五十六兩遇閏之年每名加銀五錢共應加閏月銀
 一十三兩應在於缺額俸工銀內彙題撥給造入密雲縣奏冊在於司庫請領等語
 應如所請其口外理事通判衙門應准其設立書吏六名東河西河巡檢衙門應各
 准其設立攢典一名仍將召募姓名年貌籍貫并着役日期造冊報部存查查熱河
 地方添設通判一員巡檢二員其應給官俸役食等銀共四百五十三兩四分零遇
 閏共加閏月銀二十七兩五錢亦應如所請在於缺額俸工銀內彙題撥給造入密

雲縣奏冊報部查核 又疏稱通判與東河巡檢應設衙署監房等項共估需銀一千一百一十九兩零亦應俟題准之日在於司庫撥給建造完日報銷至添設西河巡檢所需衙署應於熱河入官房內揀選改用毋庸另建等語亦應如該署所請將熱河通判東河巡檢應建衙署監房等項所需工料銀一千一百一十九兩零於司庫銀內撥給建造西河巡檢衙署於熱河入官房內揀選改用仍令該署督將所建衙署監房等項俟工竣之日開明簷高面闊進深丈尺井木石磚瓦灰勦等項長徑寬厚尺寸勦兩數目以及各項匠夫逐一晰脩造細冊

題銷

又疏稱新設新移之佐貳微員有地方職掌緊要者題明註冊揀選調補令

口外東河西河巡檢二缺係新設之員亦屬緊要應俟題准之日照例註冊并揀選題補至直隸理事同知通判俱係奉部揀選茲熱河理事通判亦應聽內部揀選補授等語亦應如所請東河西河司巡檢員缺准其以要缺註冊令該署督於對品現任雜職內揀選各部調補至熱河新設通判之缺應照理事同知通判之例揀選引見補授 又疏稱通判衙門應給壯丁名數現在於遵

旨查議事案內議請添給至於舖司禁卒件作養監等費查熱河理事同知衙門應添各

役現在於嚴行查^飭事案內查明造冊則新設通判應添設鋪司等項應併入彼案一併飭查造冊另題等語應令該署督將應給通判衙門壯丁名數及添設鋪司等項造入原行各案彙冊具題到日核議恭候

命下臣部等部遵奉施行臣等未敢擅便謹

題請

旨雍正八年十月二十四日題本月二十六日奉

旨依議

經筵講官都察院左都御史仍暫署江南江西總督印務加二級臣史貽直謹

題為請設專管之湖員等事該臣看得太湖添設水利同知一案行據蘇州布政使高斌會同江寧按察使徐本蘇松太道副使王澄慧詳稱太湖跨湖州蘇州松江常州各府千支萬派而蘇州為適中之地且接壤松境吳江之同里鎮係上流扼要同知駐劄於此則疏濬啓閉之事可以巡行兼顧似為得宜所有國防應擬蘇州等府太湖水利同知字樣其官後俸工請照各府見任同知之例書役人等召募詳充俸工在於蘇州府屬吳江縣地丁項下照例支給同知衙署請將同里鎮陳沂襄入官棧房一所改建其新設同知准督理水利郎中郭禮揀選効力候補知府徐成棟才堪勝任相應詳候會

題等因到臣經臣查核無異臣覆查水利効力候補知府徐成棟為人練達辦事勤明實堪勝任理應給咨赴部引

見但吳江鎮澤貳縣一帶塘路見在興工徐成棟係原經手料估之員已委提司其事若即給咨赴部之員辦理請俟工完之日再行給咨赴部聽候引

見臣謹會

題請

旨雍正八年十月十一日題十二月初三日奉
旨該部議奏

總督福建等處地方軍務兼理糧餉兵部右侍郎兼都察院右副都御史紀錄一次
臣劉世明謹

題為遵

旨辦理事該臣看得前署督臣史貽直及臣前在巡撫任內接准大學士公馬爾賽等
封寄奏摺夾單五件奉

旨將孫國璽高其倬所奉及爾等夾單寄與史貽直劉世明辦理欽此臣與前署督
臣史貽直隨即欽遵抄發布政司移行遵照辦理去後茲據布政司潘體豐會
同按察使李玉鏞詳查臺灣府治南面既近臺邑而北面之諸羅縣境亦遙遠難
轄應割隸臺邑就近管理又臺灣縣羅漢門地方緊要請將臺灣縣縣丞移駐其地
添設民壯二十名與汎弁互相防查更加嚴密又鳳山縣治離海將及十里埤頭三十里可以
兼控山海若因八烟輾集即移縣治則他處八烟更多豈能遍移應毋庸議又鳳山縣
萬井地方由淡水直抵枋寮口大崑麓等處縣令耳目難週巡檢查防莫遍請於萬
井地方添設縣丞一員再將原設之淡水巡檢移駐大崑麓協同營汎彼此互防均屬

得宜其教誨內山平埔各番一節不惟無益且恐有損毋庸再議又諸羅縣翠港地方烟戶繁多奸良莫辨應請添設縣丞一員民壯二十名將原設之佳里與巡檢移駐鹽水港是要地巡緝有員而賭盜偷渡之弊自可杜絕又彰化縣治抵大甲溪已歷一百五六十里之遙而溪北數百里地方遼遠錢糧詞訟命盜等項悉令赴縣殊屬不便于民應請將大甲溪以北一帶地方錢糧倉穀命盜詞訟等項歸于淡水同知就近徵比審理由府核轉洵為便民至于添設縣丞毋庸議給關防再所設縣丞增設書役工食併移駐巡檢衙署俟

題覆准日另行確勘估計動支正項給發造具清冊詳送請

題前來臣覆查無異除冊送部外謹會題請

旨雍正八年十月初四日題十一月初七日奉

旨該部議奏

吏部等部經筵講官少保兼太子太保保和殿大學士兼管吏部戶部尚書事加四級
臣張廷玉等謹

題為據實奏事該臣等會議得內閣抄出稽察抵通漕船陝西道監察御史
楊文坤奏稱臣蒙差往通州稽察漕務據蘇松等五府白糧千總王紹憲等冊開
內有交納京倉共船四十九隻每船到大通橋交貼車戶銀七兩水腳銀六錢書辦
銀一兩通計銀一百一十二兩七錢臣隨經行查大通橋去後茲據監督蘇達費
我衡覆稱曾經呈明倉場總督並前任巡漕御史准行在案臣細察倉場奏
明減存各項陋規之內並無此項若果係應存之項從前理應一併奏明既未奏
明擅敢收受即係額外需索臣職司稽察不敢隱默理合據實奏等因續據
倉場提督奏稱白糧運入內倉舊係旗丁自運雍正七年閏七月胡璉等呈稱
內倉白糧水運車運押送交納人少事繁顧前不得顧後且歷年催覓生人措
勒刁難費至不貲臨期失候更受其累情愿帶貼車戶水腳代為運送駕輕
就熟省事省費實為恩使本督部因念

皇上數年以來整理漕政惟恐苦累旗丁今該丁等既稱駕輕就熟熱省事省費若不
 允行反成勒措繕摺具奏又以事屬創舉恐行之有弊難於更易是以批令該
 橋監督傳集車戶水脚公同商議妥協並令呈明巡漕察院梅穀成張麟甲公議准
 行在案今年六月內白漕抵壩業經移會巡漕御史常柱楊文坤並無異議今楊文
 坤見冊內開有交貼銀兩以奏明減存陋規之內並無此項擅敢額外需索不知
 此項貼交銀兩係旗丁倩運後幫送之勞金且奏明裁減陋規在七年二月而此項
 之准行在七年閏七月事既懸殊時亦遠隔此事實係本督部與原任巡漕察院
 梅穀成等公議允行該橋監督並未私行收受車戶水脚亦無額外需索各等因
 前來 查此項車戶水脚銀兩該御史奏稱細察倉場奏明減存各項陋規
 之內並無此項既未奏明擅敢私受即係額外需索等語續據倉場總督奏稱
 此項旗丁情愿幫貼車戶水脚代運銀兩該丁等既稱駕輕就熟省事省費若
 不允行反成勒措欲具摺奏

聞又以事屬創舉恐行之有弊難於更易因批令該橋監督等公議准行具奏明裁減
 陋規在七年二月而此准行在七年閏七月事既懸殊時亦遠隔此事實係與原

任巡漕察院梅穀成等公議允行該監督並未私行收受額外需索等語查該監督既將此項帮貼銀兩情由呈明倉場提督並巡漕御史續經公同議定批令遵行並無私受需索等弊應將大通橋監督工部主事蘇達候選知州費茂衡均免其查議再該督奏稱此項帮貼代運銀兩批令該橋監督傅集旗丁車戶水脚公同商議妥協上不悞公下不累丁並無呈明巡漕御史梅穀成等公議准行在案今年六月內白糧抵壩後將此案移會巡漕御史常柱楊文坤在案及本月初五日白糧弁丁驗送完呈再四詢閭運後並無苛索旗丁亦無苦累行之妥協等語應令該督等飭行該監督勒入石碑永遠遵行仍令巡漕御史不時查察如有不肖運役額外苛索旗丁者立即查察該監督交部議處運役從重治罪可也恭候

命下臣部等部遵奉施行臣等未敢擅便謹

題請

旨雍正八年十一月初六日題初八日奉

旨依議

吏部謹

奏雍正八年十月內浙江觀風整俗使蔡仕鼎因不約束伊子蔡登魁持父名帖妄為營求一案降一級調用其員缺應否將滿漢副都御史等官及四品京堂一併開列之處謹

奏請

旨雍正八年十一月初七日題本月初九日奉

旨浙江風俗已漸改移又有總督李衛善於訓導不必再遣觀風整俗使

經選講官少保兼太子太保保和殿大學士兼管吏部戶部尚書事加四級臣張廷玉等謹

題為請定遠衛出結徑申之例以免遲延事該臣等議得四川巡撫憲德等疏稱松潘衛與成都府原屬爲遠鞭長莫及凡有公務往返動經旬餘况茂州又改直隸相介於中雖有文移毫無干涉不無稽遲之虞惟龍安府與松潘衛地處相連其錢穀刑名以及考試生童等事請令龍安府查核申轉就近統屬庶可呼吸相通責成無悞等因前來查松潘衛向隸成都府管轄今該撫等既稱相距寫遠凡公務往返動經旬餘惟龍安府與松潘衛地處相連其錢穀刑名以及考試生童等事請令龍安府查核申轉等語應如該撫等所請松潘衛准其改隸龍安府統轄其一切錢穀刑名并考試生童等事俱令龍安府知府查核申轉恭候

命下臣部遵奉施行臣等未敢擅便謹

題請

臣等謹正八年十一月初八日題本月十四日奉

旨依議

巡撫四川等處地方提督軍務都察院右僉都史臣憲德謹

題為復設縣治等事該臣看得復設雙流縣等一十四縣先經

題准部覆行令將各該縣城鄉地界查明舊制分官另行具題等因隨行據布政使高維新詳
據復設之雙流崇寧彰縣彰明羅江大足璧山定遠大寧新寧安岳彰山青城威遠等縣
各將分管鄉甲界址人民戶口舊制分官備造疆界地名清冊詳齎並據該司詳稱龍安府
屬平武縣管轄之中壩場關家村描鼓坪鄭家渡青連壩五郎溝等處地方離縣遙遠雖
加意查察常有鞭長莫及今據龍安府知府張青滋議以平武屬之關家村石子村檢石
壩紅豆樹等處戶口錢糧割歸江油管轄以描鼓坪鄭家渡一帶戶口錢糧割歸石泉管轄
又以青連壩五郎溝等處戶口錢糧割歸彰明管轄再彰明與龍安府附近其縣治已經
復設應請改隸龍安府管轄等情繪圖造冊詳齎前來臣查平武管轄之中壩場關家
村等處割歸江油石泉彰明三縣並將彰明改隸龍安府管轄實屬就近便於查察諸事不
致遠隔地方吏治民生均有裨益除復設之雙流等縣入學出貢及各縣城垣衙署學宮祠宇
監倉吏役等項另疏具

題併將各冊與圖分送部科外臣謹合詞具
題伏祈

皇上睿鑒勅部議覆施行臣等未敢擅便謹題請

旨雍正八年十月十四日題十一月十五日奉

旨該部議奏